



Broj: 251-01/23
Datum: 19.05.2023.
Predmet: KONKURS

U skladu sa Odlukom Skupštine Istraživačko razvojnog centra za gasnu tehniku (IGT) d.o.o. broj 250/23 od 19.05.2023. godine, Skupština IGT d.o.o. raspisuje

JAVNI KONKURS

za izbor i imenovanje direktora društva IGT d.o.o.

Raspisuje se javni konkurs za izbor i imenovanje direktora društva IGT d.o.o. Sarajevo, sa sjedištem u ulici Gradačačka 142, 71000 Sarajevo.

Mandat direktora društva IGT d.o.o. Sarajevo traje 4 (četiri) godine.
Položaj, ovlaštenja, odgovornosti i prava direktora uređuju se menadžerskim ugovorom između Skupštine društva i direktora.

Nadležnosti direktora društva IGT d.o.o su:

- organizuje rad i rukovodi poslovanjem,
- zastupa i predstavlja Društvo u unutrašnjem i vanjskotrgovinskom poslovanju,
- predlaže razvojnu i poslovnu politiku,
- predlaže planove rada i program razvoja i preduzima mjere za njihovo provođenje,
- utvrđuje unutrašnju organizaciju Društva,
- podnosi izvještaje o poslovanju i godišnji obračun,
- daje prijedlog raspodjele dobiti,
- daje prijedlog načina pokrića gubitaka,
- donosi akte u skladu sa Statutom i općim aktima,
- izvršava i organizuje sprovođenje odluka Skupštine,
- utvrđuje konačan prijedlog općih akata koje donosi Skupština,
- odlučuje o potrebi za radom i raspoređivanju zaposlenika,
- odlučuje o pravima i odgovornostima zaposlenika u skladu sa Zakonom, Kolektivnim ugovorom i Pravilnikom o radu,
- poduzima radnje vezane za registraciju Društva,
- zaključuje ugovore i poduzima druge pravne radnje,
- obavlja i druge poslove neophodne za poslovanje Društva.

Direktor odgovara za zakonitost rada, provedbu Statuta i drugih akata Društva, realizaciju planova poslovanja, provođenje odluka Skupštine i druge poslove u skladu sa zakonom i Statutom.

Uslovi koje kandidati moraju ispunjavati:

- visoka stručna sprema
 - tehničke struke: (mašinski ili elektrotehnički fakultet)
 - ekonomske struke
 - pravne struke
 - prirodno-matematičke struke (fizika ili hemija).

- najmanje pet godina radnog iskustva, od čega najmanje 3 godine na poslovima u gasnoj struci, odnosno gasnoj privredi ili energetici ili na poslovima rukovođenja u institucijama i preduzećima srodne djelatnosti
- dobro poznavanje engleskog ili njemačkog jezika

Pri izboru kandidata uzimat će se u obzir i drugi činioci koji budu navedeni i dokumentovani u prilogima uz prijavu na konkurs.

Uz prijavu na konkurs kandidati trebaju obavezno priložiti:

- biografiju sa kontakt podacima (e-mail adresu i telefon)
- diplomu visoke stručne spreme tražene struke (original ili kopiju ovjerenu u općini ili od strane notara)
- potvrdu/uvjerenje o traženom radnom iskustvu (original ili kopiju ovjerenu u općini ili od strane notara)
- dokaze o poznavanju engleskog ili njemačkog jezika
- izjavu da ne postoje zakonske smetnje za obavljanje funkcije direktora (original ili kopiju ovjerenu u općini ili od strane notara)

Kandidati uz prijavu mogu priložiti:

- ostale relevantne diplome kao što su specijalizacije, postdiplomski studiji, doktorati i slično,
- referense / preporuke / potvrde,
- plan i program rada za period od jedne godine i period četiri godine
- certifikate/potvrde/uvjerenje o posebnim znanjima ili provedenim obukama i sl.

Sa kandidatima koji uđu u uži izbor Komisija će obaviti intervju.

Odabranom kandidatu će biti ponuđeno potpisivanje menadžerskog ugovora u kojem će biti definisani svi uslovi za obavljanje menadžerskih poslova.

Zainteresirani kandidati mogu dobiti informacije o kompaniji na web stranici www.igt.ba.

Rok za podnošenje prijave računa se prema datumu objave javnog konkursa u glasilu koje zadnje objavi javni konkurs.

Prijave sa svim traženim dokumentima kandidati će dostaviti lično ili preporučeno poštom na adresu: **Gradačacka 142, 71000 Sarajevo** sa naznakom „**Konkursnoj komisiji za izbor i imenovanje direktora Društva**“.

Konkurs ostaje otvoren 15 dana od dana objavljivanja.

Nepotpune, neuredne i neblagovremene prijave neće se uzimati u obzir.

O rezultatima javnog konkursa kandidati će biti obaviješteni putem e-mail pošte.

Sarajevo, 22.05.2023.